

Inatsisartut suleriaasianni § 37 imm. 1 naapertorlugu, Naalakkersuisunut apeqquutit matumuuna allakkatigut saqqummiunneqarput.

Naalakkersuisunut apeqquutit:

1. Aalisarneq pillugu inatsisartut inatsisaanni nutaami (UPA 2024, imm. 35), kalaaliussuseq pillugu ilaatigut imatut allassimapput *"Kalaallit ingerlatsisut Kalaallit Nunaata aalisarnikkut oqartussaaffigisaani inuussutissarsiutigalugu aalisarnerat."* aamma *"§ 9. Kalaallinut ingerlatsisunut akuersissut taamaallaat pissarsiarineqarsinnaavoq pigineqarsinnaallunilu ..."*. Inatsit taanna aallaavigalugu, Naalakkersuisut *"Kalaallit"* kikkuunerannut aalajangiisassappat?
2. Apeqquut 1-mi Inatsit pineqartumi § 9 najoqqutaralugu, *"Kalaallit"* kikkuunerinik allassimasoqalernikuunerani:
 - a. *"Kalaallit"* taava kikkuuppat?
 - b. *"Kalaaliussutsimut"* aalajangiisarnissamut allaffissornikkut periutsit nalilersuutillu suut piumasaqaataalissappat?
3. Apeqquut 1-mi Inatsit najoqqutaralugu, allaffissornikkut periutsit piumasaqaatillu suut malissimatillugit Kalaallit Nunaannut inuiaqatigiinnullu *"aalajangersimasumik attuumassuteqarneq"* inummut atuutilertarpa?
4. Nunat allat sorliit, inuisa Kalaallit Nunaannut nuunnerminni Kalaallit Nunaanni *inuit nalunaarsorsimaffiannut ("folkeregister")* pisinnaatitaaffigalugu allassimasinnaatitaappat? Uani Nunat ataasiakkaarlugit ersarissumik saqqummiunneqarnissaat piumasarineqarpoq. Soorlu nunat *Nordisk*-iusut ilaappata, Nunat pineqartut ataasiakkaarlugit akeqquneqarput.
5. Inuit nunanit allaneersut, soorlu Sverige-meersut, ukiut 5 Kalaallit Nunaanni najugaqarnikuugunik akileraarnikuugunillu, taava:
 - a. apeqquut 1-imi Inatsit najoqqutaralugu *"Kalaaliuppat"*?
 - b. Naalakkersuisut paasinnittaasiat nalinginnaasoq malillugu taaguutit *"Kalaaliuppat"*?
6. Inuit nunanit allaneersut, Kalaallit Nunaannut allatigut attuumassuteqaratik, ukiut 5 Kalaallit Nunaanni najugaqarsimagunik akileraarsimagunillu, tamakkiisumik pisortatigoortumillu *"inuiaat kalaaliusutut"* taaneqarsinnaatitaanissaannut Naalakkersuisut isumaqataappat?

(Inatsisartunut ilaasortaq Jens NapätôK, Naleraq)

Tunngavilersuut:

Naalakkersuisoqatigiit partiivisa Aalisarnermut pillugu Inatsisissaq nutaaq akueralugu taasissutigaat, ilanngullugu *"kalaallit"* kikkuusinnaaneri inatsisinngortillugu. Tassani ilaatigut allassimavoq allamiut ukiut 5



Naleraq

Nunatsinniissimatillugit "kalaalingussasut". Naalackersuisut siornatigut "*kalaallit*" kikkuunerinut ersarissarusuttanngimmata ersarissaasoqartariaqarmat apeqqutit saqqummiunneqarput.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.